

江寧府志

五下

漢書門			
二	三	九	八
九	一	八	
四	八	冊	架
類			

內閣文庫			
二	三	九	八
九	一	八	
四	八	冊	架
漢書類			

內閣文庫	
番號	漢 2398
冊數	48 (7)
函號	292 14



嘗駐此以觀形勢

唐李白詩

石頭

巉巖

如虎

踞

凌波

秀

欲過滄江

去鍾山

龍蟠

走勢

車

色橫分溧陽樹四十餘帝三百秋功名事迹隨東流

白馬小兒誰家子泰清之歲來關囚金陵昔時何壯

哉席卷英豪天下來冠蓋散為烟霧盡金輿玉座成

寒灰扣劍悲鳴空咄嗟梁陳白骨亂如麻天子龍沉

景陽井誰歌玉樹後庭花此地傷心不能道月下離

離長春草遂爾長江萬里心他年來訪商山皓明陶

安詩鏤壁巉巖阨要衝古來設險大江東半天虎踞

山如舊萬壑鯨吞地更雄上國控臨吳楚郡西藩環

護帝王宮當年駐馬坡前望想見金陵氣鬱葱顧起

義初定粉堞還疑霞未銷朔吹千崖踈落木江風萬

里湖寒潮扁舟未返山陰夜橫遂聲隨玉樹飄方其

義石城初發值雨雞鳴山下客三月出江干潮似去

年信蘆生薄暮寒野雲先雨散遠岸入烟殘花月明

朝路前流或可安范景文石頭山詩荒荒憑故壘傳

是石頭城照返三山影江流六代聲露華臨夜白天

氣入秋清俯仰悲人代還看夕月明陸師道石城曲

題采蓮圖秦淮水綠芙蓉明元武湖邊烟艇橫香風

江寧府志

卷之五

山上

三

翠袖暮雲亂落日新妝紅浪驚城隅濠曲歌聲起却
寄愁心棹譚裏恨不相携桃葉渡心知同在長干住
須臾花冥鳳凰臺帝闕回看錦作堆明月各隨珠珮
去白鷗獨送絲舟回蓮浦紅衣秋露溼桂林金粟秋
風急相逢江上采蓮人回撓猶向花間立帝京曾憶
看花行畫裏今瞻雲錦城十年漁舸滄州臥羞對紅
梁白髮生僧廷俊石頭城詩袞袞長江去不休巖巖
盤石踞城頭千峯日落淮南暝萬樹風高白下秋流
水尚遺諸葛恨東風不與阿瞞留中
原一髮青山外萬古終爲王謝羞

癸山舊志按十道四番志在東北四十七里碑石磴礎
多出於此

金陵岡在縣西北龍灣路上相傳秦瘞金人於此昔有
一碣刊其文曰不在山前不在山後不在山南不在
山北有人獲得富了一國後因砌靖安路失之

白土岡北連蔣山其土色白隋賀若弼於此擒蕭摩訶
國朝順治十六年制府郎公于此大破海寇

武帳岡在幕府山東南岡側有武帳堂宋文帝嘗以開
宴於此勅諸子且勿食至會所賜饌日旣食不至有
饑色乃戒之曰汝曹少長豐佚不見百姓艱難今使
識饑苦知務節儉

謝公墩在半山寺今冶城北二里亦有謝公墩山勢自
鍾山來起伏曲折實城西北隅勝地近鞠爲蔬圃止
存一徑土色赤亦呼爲紅土山

墩俗傳謝公所嘗登也事無據李白王安石皆
有謝公墩詩白詩云冶城訪遺跡猶有謝公墩
今永壽宮冶城山卽安與王羲之所登悠然遐想之

地安石雖有我屋公墩之句而又有詩云問樵樵不知問牧牧不言亦自疑之矣豈元及其子孫所居後人因名之耶唐李白登金陵冶城西北謝公墩詩冶城訪古跡猶有謝公墩憑覽周地險高標絕人喧想像東山姿緬懷右軍言梧桐識嘉樹蕙草留芳根白鷺映春洲青龍見朝嗽地古雲物在臺傾禾黍繁我來酌清波于此樹名園功成拂衣去歸入武陵源宋王安石謝公墩詩走馬白門下投鞭謝公墩昔人不見見故物尚或存問樵樵不知問牧牧不言摩挲蒼苔石點檢履齒痕想此絳長檣想此倚短轅想此玩雲月狼籍盤與罇井逕亦已沒漫然禾黍村摧藏羊曇骨放浪李白魂亦已同山丘緬懷時蘭蓀小草戲陳迹甘棠詠遺恩萬事付鬼錄耻榮何足論天機目開闢人理孰畔接公色無懼喜儻知禍福根涕淚對桓伊暮年無乃昏曹學佺謝公墩詩謝公墩上日開行四野霜天一倍明亭館已空雲物麗寺門相近夕鐘清寒山又傍斜陽路江水終銷十月聲載妓如花不同賞風流應感古今情焦竑九日登謝公墩分符今字詩謝公臨眺處勝日一招尋我輩還時序荒歌自古今天空江影爭木脫雁聲沈不有柴黃西其如

心 翰落

以上 上元

聚寶山在城南聚寶門外山產細石如碼碯故名其東

巔為雨花臺

詳載圖考

山麓為梅岡晉豫章內史梅賾家

於岡下又曰營于岡上舊多亭榭今廢自六朝訖今

為都人遊覽勝地

宋馬光祖雨花臺記雨花臺勝甲

吃其崇萬象環集山川城郭江淮吞吐如拱如赴而顧瞻吾臺藩拔級平反若歆然有不足當者乃度材更繕不兩月告成既成率賓佐落之余撫欄作而言曰嗟乎地以山川勝山川以人勝而人之所以勝者何哉今吾與二三子登斯臺也仰而觀行闕負如趙元鎮張德遠之所建請猶凜有生氣俯而觀長江渺如韓蘄國虞雍公戰勝之跡尚可一二數也子以是而觀之其亦有慨於心否歟向皆如晉元奕輩把酒

清譚脫落世事則雖茂弘新亭士行石城遺跡之丘
 墟久矣而況所謂雨花臺者然則吾與若從容無事
 相與遊于此也而可不知其所自耶知其自則當
 監其所為矣吾老矣何能為惟聳誦北山移說東廬
 山故事則躍然有所契金盆石室諒不終寒我盟然
 前所為元鎮諸賢之事其卒付之登臨一慨而已乎
 詩曰高山仰止景行行止又曰以似以續續古之人
 吾敢以是為三子勉二三子有不勉者耶乃相與
 離席而謝曰敢不勉因筆以為之記唐李白登梅岡
 望金陵贈族姪高座寺僧中孚鍾山抱金陵霸氣昔
 騰發天開帝王居海色照宮闕羣峯如逐鹿奔走相
 馳突江水九道來雲端遙明沒時遷大運去龍虎勢
 休歇我來屬天清登覽窮楚越吾宗挺禪伯特秀鸞
 鳳骨眾星羅青天明者獨有月冥居順生理草木不
 剪伐烟窓引薔薇石壁老野蕨吳風謝安屐白足傲
 履襪幾宿一下山蕭然忘干謁談經演金偈降鶴舞
 海雪時聞天樂來了與世事絕佳遊不可停春風
 遠別賦詩留岩屏千載庶不滅宋王安石詩盤
 下竹絕陁并包佳麗入江亭新霜浦淑綿綿淨
 林巒往往往青南上欲窮牛渚惟此尋難忘草堂

龍獨西上欲破巨浪乘長風江山相雄不
 形勝乎誇天下壯秦上空此瘞黃金佳氣蔥蔥
 垂我懷鬱塞何由開酒酣走上城南臺坐覺蒼
 青意遠自荒烟落日之中來石頭城下濤聲怒
 手群誰敢渡黃旗入洛竟何祥蕭蕭英雄乘時
 三四後六朝草生宮闕何蕭蕭英雄乘時務割
 度戰血流寒潮我生幸逢聖人起南國禍亂初
 休息從今四海永為家不用長江限南北張孟
 聚寶山分韻得春字蹤跡憐身拙登臨縱日頻
 初好客花鳥故餘春落落行藏異悠悠歲月新
 傳道天花亂紫冥廣舌不來塵每變春風唯見
 青金大車雨花臺觀月高臺上與碧雲齊坐看
 出海西吳苑參差雙闕迥楚美高閣萬峯低燈
 落昏初見帆出江烟遠欲迷擬向廣寒歸路晚
 風露夜淒淒湯顯祖雨花臺詩冉冉春雲陰郁
 光瑩取次踏青行發越懷春興拚知天女後如
 花剝宜笑入香臺含嚔出幽徑徙倚極烟霄徘徊

花勝態隨驚蝶起思逐流鶯發美日乍延盼弱腰安
可凭朝日望猶鮮春風語難定拾翠豈無期芳華未
有贈持向慧香前為許心期如何違玉纓沉情擊
金磬盛時泰登雨花臺詩細殿珠宮結駟行登臺共
豁遠遊情林花雨霧雙峯出雲木涼生一鳥鳴禁苑
補烟開樹色秦淮春水長潮聲却因楚使誇雲夢苑
作諸生賦帝京余孟麟雨花臺詩倚杖看雲鬪焚香
坐夕曛花飛長作雨岫出不歸雲天遠低於江國
窄似裙一峯臺殿外梵唄隔氤氲焦竑詩南郭高臺
迴乘春數散愁雨餘千嶂立樹杪一江流地雖高花
勝情兼水石幽角巾差自得端合老林丘陳國良雨
花臺詩金陵城外雨花臺席草簪花鬪酒杯自是昇
平遊女至何妨豐樂醉翁來悠悠帆帶晴雲去對對
禽銜夕照回分付昏鴉與驛騎不須頻向使君催
夢游雨花臺詩佳麗長干道高臺近易登出城空翠
逼藉草細烟承落日搖江練叢林擁塔燈遊人清夜
盡消受
獨山僅

戚家山在城南聚寶門外景定志在天禧寺東

梓桐山在城南十五里高三十八丈山下有謝氏詩樓

及繡經臺基尚在

紫巖山在城南與梓桐山相近高三十八丈陳軒金陵集載李建

勳春日紫巖山期客不至詩戚氏云前志卽以此爲巖山誤

夏侯山在城南二十二里高三十五丈梁夏侯亶居此

因名

韓府山在城南十五里舊名鳳凰山以韓憲王葬此因

名

翠屏山與韓府山連明陳沂詩天外羣山高且重西南更出兩三峯白雲靄靄互相合激

石亂流時自春行入飛蘿千尺磴坐臨幽徑萬株松一聲清響隔林杪知是頭陀寺裏鐘金大輿詩間情

依白社杖策入青山樹色經冬慘溪聲盡日間巖高雲作嶂寺古石為關叢桂凌霜發狂歌醉亦攀

旣蔽山在城南二十三里周八里高二十五丈以形似名

牛首山在城南三十里舊名牛頭山週四十七里高一

百四十丈雙峯秀起正對晉宣陽門王導指曰此天

闕也故又名天闕山又名仙窟山歷代崇飾甚盛由

山椒起石級百磴杉檜行列而上有白龜池天王殿左虎

跑泉白龜池右兜率岩一名拾身臺由山磴盤旋以上壘石為浮圖下為文殊

洞僧構重樓覆其外名文殊閣下為含虛閣明狀元羅洪先題額閣卑隘不足以曠覽

康熙丙午太守陳開虞拓而新之凭欄縱目又下為巒壑萬千踞牛首之勝公有記勒石閣上

辟支洞不測深淺即梁時建寺處廣踰文殊之一高倍之中有石孟形甚古唐神龍中并誌公履

取去長安右有安初洞路險僻知至者少右有煤洞深入窈窕上聳巨壁傍展

一石遠望隆起近視則側如龕狀下有地湧泉白石坎中出深二尺許色味俱絕俗呼為

龍王泉山上兩峯間有昭明太子飲馬池冬夏不涸東

峯巔有錫杖泉兜率岩下有太虛泉山南有芙蓉峯

雪梅嶺大峯之下有石如臥鼓中虛可坐數十人呼

為石鼓夫欲雨則石鼓自鳴舊有中峯庵在西風嶺

半近庵有龍王泉其東南為劉宋郊壇處建炎中岳

飛設伏兵於此以拒兀术太守陳開虞含虛閣記金陵山水最秀麗牛首其一

也山向南距城可三十里許卯辰至無輿徒跋蹠勞又甚崢嶸非拳石玩兩山矗峙秀若削成出冠雲

表龍門敞乎雙闢晉司徒所稱天關也故亦名天關
 山六代來誌載家數稱之扶輿孕結錯彩鏤形歷千
 禩未之或改而崇飾則代變焉孕結自天崇飾自人
 天匪人曷以發厥靈異乎廬嶽奇天台秀華岱巍峩
 龍從其自雲物蒸變草樹鬱蔥外凡磴道亭臺館宇
 樓閣皆足點映高深俯仰之致而俾僉歎曰曷其遂
 曷其紆曷其曠杳乎無際浸假童然山也謀憩息無
 所諮眺覽莫駐山靈能不為之氣索乎天闕梵宮踞
 乎山半由山椒稍上登石級數百步從白雲冉冉
 升達平地下瞰樹杪與高鳥平眎稍轉綠石壁精舍
 與坡上下斂履迴步忽入深室戶牖外輒臨千仞每
 雪冬月午空濛澄澈衆山倒影窺之如畫矣行人數
 里外遙望之樓閣嵌空中飛檐複檻參差攢峯歛石
 間晴日相輝射如芙蓉高插青旻縹緲不可梯接肆
 天閣之勝雖曰體絕凡阜更以構造工特著也而含
 虛閣尤占勝以其勢陡絕俯眎萬象從空濶中過見
 林木蕭森離離蔚蔚其在霞氣之表因顏含虛含虛
 一山槩而閣領厥全故舍虛名閣亦以紀山也遊人
 來此登閣心抒高嘯悟外身之真宣神契之趣常
 閣乎

百二十七丈宋大明中於山建幽

唐僧法融得道於此為南宗第一乃改為祖堂山山
 南有石窟儼若堂宇融師居之有百鳥獻花之異因

名獻花巖明翰林陳沂有獻花巖志大藏經云華巖

山高千四百餘尺周四十里餘三十步上有芙蓉峯

洪北峯天盤嶺西風嶺中峯伏虎洞神蛇洞象鼻洞

息泉太白泉長庚池諸勝陳沂獻花巖志略云獻花

此雪中有奇花又有鳥唧花之異巖因以名而山亦
 以巖顯故金陵稱叢林必曰牛首獻花巖祖堂而地
 實相連舊刹惟牛首幽棲寺即今弘覺寺此巖惟僧
 庵耳明成化間山東僧古道師至巖下堅坐不動數
 年黔國宰何公飯僧於祖堂之山北望雲氣被彩陟
 岡而北氣自巖出何公愕然步至巖見古道危坐問

之不答而貌又古益怪異之是年即捐金為佛宮別
 治堂與之居請勅賜寺額曰花巖茂關灌莽平衍碣
 砠因高為臺緣曲為梯懸虛以為樓閣挹曠以為軒
 楹凡幽潛秘密之所畢張大榜之於木刊之於石由
 是獻花巖之名大勝於牛首山顧璘遊花巖詩風林
 下馬叩龍宮雪磴扶筇踏虎蹤把酒峯頭看海月開
 門庭際俯雲松鐘聲夜傍諸天動巖翠寒交萬木濃
 苦說移家身已老暫來猶自未從容朱應登祖堂山
 詩長廊卷幔得閒凭南國秋容望不勝香閣梵音傳
 遠磬石幢寒影護懸燈山深疑有長生藥寺古應多
 入定僧人語忽然飄下界始知身在白雲層顧起元
 拱北峯詩遙看絕嶠勢疑飛似引翠峯揖帝畿夜宿
 星光懸地鏡晝籠雲氣曳山衣陽遲四月花初發風
 輒三春草尚稀愛倚南天看北極五城樓閣望中歸
 余孟麟獻花巖詩擁錫依龍巖鐘度虎溪谷空
 露滿槎小宿星低巢樹僧初定啣花鳥不啼如何
 去路常被嶺雲迷王世懋詩紫閣平臨百尺臺清秋
 人倒碧崔嵬千峰忽避江流出雙闕遙分曙色開捲
 幔雲來窺伏枕隔山鐘動喚銜盃扶筇亂拂蒼烟下
 縹緲諸天首重臣陳舜仁從牛首步至獻花巖

岩山在牛首東北吳王皓刻石于此以紀功德後段因
 名段石岡後移置府學尊經閣內宋明帝泰始中建
 平王休休于岩山
 射雉日欲暮帝遣左右壽寂
 之等逼休休墜馬殺之即此

上公山在段石岡南其東北為福子山又東為大山小
 山皆相連

青山在城南四十里建康實錄梁太清元年置幽巖寺
 永康公主造大毗曇師傳云承聖

二年法師入秣陵青山始創
舍名幽巖亦不云永康造也

張山在尹山之東與尹山東西對峙橫山之水從中而出

紫龍山在葛塘西自吉山折而東亦名大山

吉山在上邳五峯聯峙宋建城侯吉翰葬山中故名

觀子山在城南三十里周四里一百步高八十三丈東

有水下注新林浦

蔣碧山在牛首山西南

朱門山在縣南八十里

盛時泰送僧入朱門山採春蘭
詩朔風吹雪片洒落細于沙
有春蘭葉于時止
山歲年改歸
玉芽滿谷君能採
空却空
煙茅堂對烟靄

牛跡山在朱門鄉其半為太平府界

男山女山姑山在朱門鄉三山聯絡森秀挺拔蒼翠若

芙蓉女山有石洞號為仙靈遺蹟數十里外望秀入

雲霄群山鮮匹又顏料山亦接此山

明顧起元詩瑤
參兀聿冠雲鬢
玉筍參差列御班日月中分龍虎地雌雄雙插斗牛
間孤論大小依通隱對擁兒孫媚客顏絕壁過雲垂
瀑溼坐看歸
鳥礙飛還

鳥礙飛還

麻山在江寧鎮此山自太平東奔亘數百里

大青山在觀子山南十五里周三十五里高一百二十

五丈西有水下至平陸

紫雲山一名大山與花巖接

鼓吹山在南八十里周一十七丈高八十丈四望孤絕

宋孝武大明七年登此望甲子館奏鼓吹故名

威氏志云

甲子乃記日非館名實則少帝景和元年九日幸湖熟始登此作鼓吹與此志異

銅山在東南七十里山產銅

宋鮑照過銅山掘黃精詩

寶餌緩童年命藥駐衰曆矧蓄終古情重拾烟霧迹
羊角栖斷雲榼口流隘石銅溪畫森沉乳竇夜涓滴
既類風門磴復像天井壁蹀蹀寒葉離濃濃秋水積
松色隨野深月露依草白空守江海思豈媿梁鄭客
得仁古無怨
順道今何惜

橫山在東南一百二十里周八十里高二百丈屬金陵

鎮接太平界四方望之皆橫故名山有十五峯丹陽

記丹陽縣東有橫山連亘數十里或云楚子重至于

橫山即此又名橫望山

宋楊萬里詩再見橫山滿

鼓年年社酒盞鶯花處處人忽憶諸公舛丹會轉
五柞去年春野雲墟月空荒寺兩袖寒風一帽塵

陰山在江寧西南一十二里臨大江晉王導至此山神

見夢於導事聞于上為立廟故名

湖山在南三十里周九里二百步高一丈上有湖大

旱不涸

龍口山在西南七十二里

展氏誌有李琮墓三城湖

馬鞍山在城西南三十五里以形似名

上元亦有馬鞍山見前

車府山在西南四十里周九里高一百二十丈六朝藏

車乘甲器於此

落星山在板橋市臨大江山下有岡卽王僧霸連營以拒侯景處近水者曰落星洲又曰落星磯陳顯達以數千人登落星岡新亭諸軍聞之奔還李白遇蓬池

隱者脫紫綺裘換酒爲歡皆在此

明余孟麟落星岡詩綺裘曾換酒片

石落岡頭路指林霏曉天涵水色秋風雲窺隱見河漢逐沉浮不作支機去歸然古堞樓魚竝詩樓堞新亭戍山川自昔多曾聞沽酒客一着綺裘過霞舉占龍氣風期叶鳳歌悠然登覽處遺跡賁巖阿顧起元
西紫裘高宴是何年星墮何時上碧天鞭石幾曾臨海曲支機誰復飲河邊鐙前酒味鷓鴣杓舷底歌聲青翠細知是玉皇香案吏江湖身遠傍珠躔朱之蕃詩岡頭亂石散繁星歲歲連天草色青不見層樓戎旅盛孤堪環水棹歌停臨沂故址干林圮石步邨鐙數點焚爲覓濁醪聊破悶催飛蘭漿繫柴局

烈山在西南七十里或曰山近烈洲故曰烈山其山四面峭絕下臨大江風濤洶湧商旅嘗泊舟依山以

之絕頂叢棘中舊有侯將軍廟

陳史永定初王琳聚兵窺臺城造黃龍舟

千艘泊于荻港西南風急琳謂得天助張帆直下陳將侯瑱泊舟蕪湖逐後而發用拍竿撞琳船琳擲火炬焚之風逆自焚遂大敗奔齊宋寶佑初有僧建庵上人以瑱功烈甚大故名烈山

其上自名爲江心護國寺晁无咎嘗以比潤之金山

晁无咎詩山如浮玉一峯立江似海門千頃開我欲此中成小隱莫教山脚有船來

白都山在西南七十里白仲都居此上有仲都祠

吳孫

峻遣張承斬諸葛恪于白都卽此

白蕩山近白都山

蕩俗作盪

龍山在西南九十五里周二十四里高一百一十二丈

巖山覆舟山
皆名龍山

上三山在江寧鎮西

下三山在江寧鎮東三峯拱峙大江從西來勢如建瓴

而此山突出當其衝一名護國山晉王濬伐吳行師

過三山卽此磯上舊有李溫叔祠今廢宋鮑照詩泉源安首流川

未澄遠波晨光被水族曉氣歇林阿兩江漠平迥三

山鬱駢羅南帆望越嶠北榜指齊河關扁繞天色襟

帶導京華長城非輕險峻岨似荆芽攢樓貫白日擗

堞隱丹霞征夫喜觀國遊子遲見家流連入京引躡

躡望鄉歌彌前歎景促逾近勸路多倍萃猶如茲公

易將謂何謝眺晚登三山望京邑詩灞漉望長安

陽視京縣白日麗飛甍參差皆可見餘霞散成錦

江淨如練喧鳥覆春洲雜英滿芳甸去矣方滯

哉罷歡宴佳期悵何計淚下如流霰有情知望

陽縣秋江正北看盧龍霜氣冷揚揚月光寒

瓊樹天涯寄一歡明黃姬水宿三山聽江樓經

岡李白換酒處詩空岩香閣叩禱禪坐見歸禽沒

天鐘度寒潮鼉峽外帆移芳草鷺洲前春江半是巴

山雪暮嶺全迷楚澤烟忽憶仙人換酒處飄零今古

一悽然王守仁詩南望長沙杳靄中鷺羊只在暮雲

東天高雙櫓哀明月江濶千帆舞逆風花暗漸驚春

事晚水流應與客愁窮北飛亦有衡陽鴈上苑封書

未易通金大輿詩白石三山路青春二仲過緣崖

窮鳥道倚檻看鯨波夜靜潮聲急江空月色多酒酣

雙樹下醉答榜人歌俞彥登三山詩艤棹蘼蕪蘆蕭

森水國秋千帆散天外一閣俯江流雨脚凌風至山

身帶寺浮井泉聊

用汲彷彿惠山遊

慈姥山在城西南一百一十里二百步周二里高三十

丈積石臨江岸壁峻絕山產竹可爲簫管故俗亦呼

爲鼓吹山雪浪法師慈姥磯詩踪跡元蓬菓天涯白

往迴秋風隨去棹夜色共登臺石面潮初

落江頭月正來最高
思欲卧清磬一聲催

天竺山在慈姥山西十里周一十七里高十九丈東有

水下注慈姥浦其北連岡十里本名多墅山唐上元

間有天竺福興寺僧道融移寺于此山因名今碧峯寺後相

傳亦名

天竺山

土門岡在長干里卽楊忠襄公死節處

鳳臺岡在鳳臺門

石子岡在梓桐山北又有小石子岡在安德門外

赤石磯在聚寶門外

鳳凰臺在花盃岡峙城內紫雉城外城河一水之間城

沙也與東周處臺相對作旗鼓

萬曆壬辰年李公昭嘗卜鳳凰

臺傍掘地得斷碑二曰晉賢阮籍之墓此事志所未

載人猶疑之觀白詩晉代衣冠成古坵卽指阮墓無

疑故楊朗陵詩酒狎高賢臥一坵蓋本此句也唐李

白詩鳳凰臺上鳳凰遊鳳去臺空江自流吳宮花草

埋幽徑晉代衣冠成古坵三山半落青天外二水中

分白鷺洲總爲浮雲能蔽日長安不見使人愁宋周

邦彥詩危臺飄盡碧梧花勝地淒涼屬楚家鳳入紫

雲招不得木魚堂殿下饑鴉郭祥正詩高臺不見鳳

凰遊浩浩長江入海流舞罷青蛾同去國戰殘白骨

尚盈介風搖落日催行棹潮擁新沙換故洲結綺臨

春無處覓年年芳艸向人愁劉克莊詩經月疎行臺

上路秣陵城郭忽秋風馬嘶衛霍空營裏螢起齊梁

廢苑中野寺舊曾開玉帳翠華今不幸離宮小儒記

得隆興事間對山僧說魏公明焦竑詩鳳嬉曾此處

秋爽更登臺一望東南盡長天鴻雁來青林隨浦漱

白石轉莓苔莫繼浮雲唱空傷蓋代才顧起元詩朱

鳳蕨蕤碧漢遙荒臺題字尚前朝山連古寺秋園吹

江繞嚴城晚上潮狂客異時來置酒美人當日罷吹

簫春花秋月堪悽斷梁苑陳宮更寂寥陳開虞鳳凰臺詩臺在鳳遊寺後近為取土者所殘日北
既禁止之將謀復故以存勝蹟不朽焉
晉阮籍墓云千年鳳去舊遊空遺蹟凄然
破半封苔蘚碧臺荒猶賸夕陽紅却疑阮氏
翻怪唐人句未工二水三山渾不改欲留名勝古今

周處讀書臺在城東南蟒蛇倉後

以上江寧

茅山在縣東南四十五里周一百五十里初名句曲山

又名巳山以山形似巳字也相傳漢永和間有茅氏

兄弟學仙來止此山故名茅山三峰連峙最高者曰

大茅峰次曰中茅峰又次曰小茅峰大峰之巔

曰天池大旱不涸禱雨即應南垂泉流作乳色曰

飲泉其下為栢枝壘壘之中曰華陽南洞又南為茅

洞其側曰衆真巖又黃龍洞黑虎洞在九錫牌左右

有水自峯左支流縈紆達于菖蒲潭潭生九節蒲食之可長生一名

石墨潭下九曲澗潭之上為華蓋岩其北垂方池數

尺客至水即湧沸名喜客泉峯之北相連為抱朴峯

有葛洪煉丹處東曰鸞輪峯舊傳東海青童君曾乘獨鸞飛輪之車駐於此今有跡故名

西垂有二泉冬日一冰一温曰玉蝶泉又有華蓋峯

疊玉峯石色如玉昔宋真宗嘗遣左璫詣茅山祈嗣

遇異人言王真人即古燧人氏來生宋朝章懿皇后亦夢羽衣數百擁一仙官至及生宮中火光燭天學步時嘗持槐木以箸鑽之真宗問故曰試鑽

火耳帝顧后曰異人言不虛也乃遂名元符宮峯之下舊為崇壽觀觀後有

碧巖洞候山居下為霧豹巖曲水穴出焉大峯中峯

間長阿連石曰積金峯故山有金壇金陵之號邑名

由此起也梁時陶弘景居此東有橫壟石形甚瓌奇

壁坼開成洞入數丈漸狹而颼颼有風所謂華陽西

洞也由西洞而南又有玉柱洞中積石乳旁徑容人

跡壟之東南有徑自竇出曰鶴臺澗折而西又有楚

王澗亦自石壁出以楚威王嘗憇此故名峯之頂有

靈泉曰天窗洞其陰曰道祖峯東南一峯傑然秀出

與積金對峙曰五雲峯甚峭峻中峯之東又有華陽

洞小石穴僅容人有澗曰宜春有泉曰玉沙峯東北

有拱辰峪峪中有百丈泉其西乃為白雲峯水龍洞

在其下自中峯至小峯長阿而西曰黑虎峪峯之北

林壑幽邃春時花卉紛敷曰桃花崦西有朱砂泉上

有小青龍洞又有岡在峯側長緩而隱障曰長隱岡

又名伏龍岡東南近許長史宅山之中復以山名者

曰金菌山在積金東凹小山獨出如菌西有羅姑洞

高居洞華姥山在丁公山南良常山在山北垂始皇

東巡登此歎曰巡狩之樂自今以後良為常也遂名

其山上有良常洞山志直山嶺南行二百步有始皇
埋藏白壁一雙上有小盤石以覆

培處李斯刻書壁上曰始皇聖德 方隅山在良常東

南三峯隅峙有燕口洞方隅洞龍尾山自大峯一嶺

直至山東金壇界宛如卧龍曰平山在大峯之西南

有洞穴曰方臺海江山慶雲洞之上其東為碧玉巖

巖下曰丹谷泉鬱岡山在小峯東北 林木蔥鬱故名

下有泉山東有 麻姑山在岡西青山在岡東三角山

在華林峯北有皇甫峪海泉洞又北為橙子谷三公

山在燕口洞東雲堆山在皇甫峪南仙萑山在大峯

西 山志姜叔茂種五辛菜以易 又呼石龍山鱉足山

在仙萑西大 山并在此鱉足西雷平山在伏

龍之東 周時有雷氏 下有雷平泉又有柳沂泉 田公

水以田公 伏龍山在柳沂之間與中峯近即所謂伏

龍之地在柳谷之西金壇之右可以高居者也丁公

山積金山西麓 丁令威 丁山拱辰谷東虎爪山在丁

山西 宋禁樵 秦望山在良常北銜珠山在雷平南獨

公山在小峯北小竹山在小峯東吳山在大峯南 陶

居云大茅峯南仙萑山竹山吳山方 以上山皆在茅

山左右上下故相緣以書 唐李德裕遊茅山詩何地

青有露蘿日靜無烟乍警溪潭鶴時嘶玉樹蟬欲馳

千里思唯戀鳳門泉杜荀鶴詩步步入山門仙家鳥

波雲道人星月下相次禮茅君宋王安石大茅峯詩

一峰高出眾峯巔疑隔塵沙路幾千俯視烟雲來不
 極仰攀蘿葛去無前人問已換嘉平帝地上誰通句
 曲天陳跡是非今草莽紛紛流俗尚師仙登中茅峯
 翛然杖履出塵囂難犬無聲到沈寥欲見五芝莖葉
 老尚攀三鶴羽翰遙容溪路轉迷橫約仙几風來得
 墮樵與罷日斜歸亦嬾更磨碑認前朝登小茅峯
 捫蘿路到半天窮下視淮州杳靄中物外真游來几
 席人間榮願付苓通白雲坐處龍池杳明月歸時鶴
 馭空回首三君誰更似子房家世有高風明月歸時鶴
 山送遞三峯得峻躋到宮唯見眾山低天池水碧蒼
 龍伏巖樹風高白鶴栖雲際瑤壇開日月林間月
 隱虹蜺仙人只在華陽境松葉桃花咫尺迷王楓
 遊茅山詩福地由來稱第一入門山閣暮鐘鳴三峯
 鳥道青天上一雨龍池白霧生石蘚侵階埋玉簡松
 風吹墓酌銀罍金陵亦在虛無裏虎踞猶疑見石
 宋張商英華陽洞詩素虎班虬躋紫烟幾看滄海
 桑田赤城玉笥尋真後又到華陽第八天明王初
 華陽洞詩百畝丹崖秀玉屏山深日暗晝冥冥
 指路香先入巖炬穿雲火半青仙家白鹿行千

唐建蒲潭送人詩江城柳色海門烟
 始上船知道君家當瀑布菖蒲潭在草堂前
 登喜客泉詩靈泉喜客至依依石磴籃輿扣竹扉
 擲青錢山影動乍窺明鏡鬢雲飛珠浮巧學鮫人游
 波細文如羽客衣日暮鶯啼山殿寂春寒休怪客來
 稀唐顧况桃花庵詩庵裏桃花逢女冠林間杏葉有
 仙壇老人方受上清籙夜聽步虛山月寒元趙孟頫
 羅姑洞詩九疑得道女受事易遷家詩贈金條脫人
 逢萼綠華唐權德輿柳峪泉詩下馬荒郊日欲曛潺
 潺石溜靜中聞鳥啼花落無人處寂寞山函掩白雲
 絳巖山縣西南三十里周迴二十四里高一百二十五
 丈一名赭山地志云漢丹陽縣北有赭山其山色赤
 故名寰宇記唐天寶中改絳巖山頗險峻上有龍穴
 五季之亂及建炎時鄉人皆避兵於此又名丹山丹
 此陽縣名義取



華山縣北六十里梁武帝至此問華山何如蔣山高薛

對曰華山高九里似與蔣山等泉水倍多秦淮源本

此舊有寶公庵明萬曆三十二年李太后忽夢一山皆蓮因下部遍訪名山禮部以此山對后勅建銅

殿一座供大士與武當金殿同其上麗宏峻焉賜額

聖化昌隆寺上人妙峯后賜紫衣至今御筆緣冊及

欽頒藏經具存鍾惺華山禮銅殿詩一路陰晴屢不

分山中風候易紛紜村過數日無紅葉江近雙峯似

白雲蛇虎夜深求懺度鼓鐘人定示聲

聞可憐世外僧經濟金火須臾歷劫勳

竹里山北六十里道塗傾側號曰翻車峴郡國志山間有長澗高下

深阻舊說似洛陽金谷晉王恭舉兵京口使劉牢之督顏延為前鋒至竹里斬延以降還襲恭宋武帝起

兵破桓元將吳甫之於竹里即此鮑照詩高上絕

雲霓深谷斷無光晝夜淪霧雨冬夏結寒霜淖坂

馬嶺蹟路又平畏途疑旅人忌輟覆行箱升峯

客慰追故

花碌山北五十里舊產礬

五基山北五十里下有石穴入丈許豁然中設石榻元

統元年崩於大水

戊山北六十里相傳宋沈慶之戍守於此

青龍山南七十里一名洞山上有石窟真語云與華陽祠相通其

中堂臺簾竈及仙人掌之屬俱因石狀以名傍有峴

曰牧門洞前怪石森列而流泉貫其中歷旱不渴

虎耳山東三十里舊名苦耳山山有井聞人聲則沸名

沸井丹陽記曰沸龍潭上有尚書顏魯公墓

秦山南三里麓有明月灣通秦淮舊傳謝安月夜乘舟垂釣于此

甲山西南五十里峯巒競秀甲於左右諸山宋景定間僧行並愛

其山奇秀故名

射鳥山西北五十里湯水二泉皆源此

白和山北七十里相傳仙人白和居此見抱朴子篇

瓦屋山南七十里李白曾登此山望長蕩湖

丫頭山東南七十五里麓有石埂與溧陽為界

崙山東北六十里東連駒驪四十二福地也唐肅宗禱於後頂石壁秀髯可辨山下有達靈帶

駒驪山東北六十里吳諸葛恪獵見一小兒衆莫識引白澤圖曰兩山間其精如小兒

名曰係囊

土石山龍山東三十里驤首山四十里塗山四十五里

彭山南七里峯巒聳秀泉水環流白崖古剎佳木異卉

差池掩映遊覽勝地也

周山南三十五里仇山四十里土壤種松極茂石麓山白馬山

棠梨山白沙山石角山浮山俱七十里浮山上有朝陽洞洞有流泉灌溉利甚溥

姜石山西北二十五里上有梁南康簡王墓

巖山西北五十里

亭山北三十里胄山三十五里

牛頭山七星山石幢山官峴山

俱在縣西北鳳壇鄉

石鹿山南七十里

有石形如鹿

空青山西連五基山

竈石山在良常山東石壘如竈中生一木如曲蓋

以上句容

金雞山東五里

雲泉山東南三十五里一名下山

山上有泉嘗出雲氣下有雲泉寺唐貞觀

蹟

鐵山東南五十里唐書地理志溧陽有鐵卽此

新婦山東南五十里

銅官山東南六十里唐書云溧陽產銅是也今土中

屑瑩然如麩狀舊因產銅設官故名

三鶴山東南六十里舊經云潘氏兄弟三人得道於此

皆化鶴去故名

上有潘真君祠

燕山南八里形如飛燕

上有雲鶴菴南有駙馬芥數松高秀不路磷磷傳爲前朝王駙

墓

錫華山南四十五里峯崖秀出流泉縈遶登臨勝地

石屋山南六十里圖經云吳王使歐冶子鑄劍於此今

山西有鑄劍坑

雞籠山西南十二里以形似名

大石山西南十四里山麓有龍洞龍池雲禱輒應

元蔣時中

有大石
龍洞詩

盤白山西南四十里下有太虛觀碑載盤白真人事

真人

姓李名盤桓隴西成紀人避魏武之役
隱居高遂峯之西髮髮皓然故名盤白

三王山西南五十里說苑云楚威王與眉間尺并一客

同葬此

烈士傳云眉間尺名赤鼻楚人于將子考伍
員眉間一尺得非附會言乎吳越春秋三王

塚在汝南宜春縣晉北征記又
以為魏惠王任敬均不可據也

伍牙山西南六十里輿地廣記云子胥伐楚還吳經此

山故名建康志子胥齒美避楚慮人識以石擊

神農之不毀故又名護牙山元阿刺罕攻破銀

壩至護牙山敗宋兵即此

鐵冶山西南七十里前代鑄錢處

青山西南七十里山孑然峻削上有雲岫庵幽閭絕塵

明高帝曾駐蹕於此畱題一詩

青山頂上一茅屋
舍半間雲半間夜

雲去作雷雨回頭不似老僧聞按此歸宗
菴主之偈溧陽舊志以為高帝作姑存之

塢山西南七十里

菱山西六里上有龍潭東畔石壁臨溪勢如削成宋丞

相趙南仲父子宴遊於此子趙稟題石字徑四寸筆

法似晦翁南仲書則水石剝落矣

巖山西十里晉李閔追張健韓晃卽此

姥山與巖山接

平陵山西三十五里平陵城在其西晉王允之斬蘇逸
於此

黃山西四十里建康志云黃鶴仙人得道於此山下有

黃鶴池

仙人吳赤鳥間人

芝山西八十里山產芝草上有十數洞或有沸泉或有
石燕雨則飛晴則止或洞中天設石枰石子或洞中
復見天宇或洞中滴水不沾衣大者容數千人

洞前一觀音石尤異

分界山西北八十里與溧水分界

土山北三十五里一名獨秀

有白龍道院

雷公山北三十七里泉石秀潔昔有雷公鑄劍於此

瓦屋山北八十里以形似名

李白詩朝登北湖亭遙望瓦屋山天青白露下始覺

秋風還

了髻山北八十里兩峯如髻

句容志作恰幘山蓋二邑相接孔道也

岳山東北二十五里洮湖之上周處風土記昔有岳姥
得道於此因名山巔有優曇界北望湖光空明如洗

有泉甘冽宋時設巡司柵

廣韻云岳鳥后切音殿山名在溧陽集韻云在陽羨

或作山山漢建武中封蔣澄為山亭侯故一名山亭山朱晦翁送都巡舍人古寨依山麓頽垣近水湄有

兵耕綠野無盜弄潢池歲稔邨邨樂官閒事事宜我
來無所餽聊遺一聯詩元仇遠詩岳姥峯高翠倚天
洮湖春水綠無邊不知楊柳兼葭外何處泊君書畫
船邑人袁正有岳山曉雲歌汪藻有山亭山野步詩

大筭山小筭山洮湖之山山形如釜

落霞山東北四十里有聖塔院

張汶山東北三十五里

屏風山南十里山右新建法輪寺山有宋學士秦梓墓

按秦梓檜之兄也同檜惡亦猶王氏之安國也

庭子山辰山城子山南十里神山泉山二十里喉山二

十五里金山盪里山結都山懸鼓山銀方山五十里

松山七十里

石門山西南十五里茅尖山十九里朝山呂望山二十

里桂林山二十三里山後有大盤石二一曰太古元

貞一曰雷雲

宋汪藻挹秀堂記云南則翠巘晴嵐與人應接者桂林山也

大坏山東北四十五里一名大巫一名大浮在洮湖中

周處風土記云洮湖中有大坏山地理志云溧陽小
有湖山幽隱居云石孤聳以獨絕岼垂天而似浮小

坏山輿地志云延陵永世界有小坏山山有石室室

有虎蹟

謝天選有宿大坏山詩

龍潭山荆山四十里虎山五十里獨山六十里

龍潭山有潭澄

泓一碧荆山二柱峯石怪峻師志云山有靈氣出雲
必降霖雨又二泉大旱不涸田穀資之獨山形勢聳

秀為金陵發脉之宗

秀山西七里姥山投龍山十一里漁父山十五里烏山
二十里谷山四十里

花山西北四十里翼山七十里曹山八十里

橫山北四十五里小山六十里黃金山七十里句容界

真誥云金陵古伏龍地以句曲金山生黃金一名句
金所謂金壇之地肺居者可以度世因號金陵云地
紀謂始皇望秣陵有天子
氣埋金寶以鎮之非也

落馬嶺南七十里茶曹嶺南十七里胡冶嶺十九里頭

陀嶺二十里高官嶺六十里

金牛嶺南七十里四面皆山一嶺長且十五里與廣德
界

駟馬嶺三十五里鵝鳩嶺三十七里鷺鷥嶺三十八里

艸鞮嶺四十里金冶嶺出鐵山謙之丹陽記云今揚

州鼓鑄之嶺以冶名職此也白沙嶺五十五里仙人

嶺石畝嶺重九嶺六十里

釭圭嶺南六十里又一里有長岡嶺年荒嶺 音暹 高貌

鯉魚嶺南五十五里松嶺六十里碧嶺七十里

上湖嶺南三十里丁山嶺四十里

新婦嶺西二十里伏脊嶺西八十里

以上 溧陽

中山東十里孤聳不與群山伍一名濁山輿地志云溧

水縣濁山有濁水流演不息舊志云濁山即獨山獨山又即中山謂獨立於中也而邑志又云舊志云中

山即獨山者誤郡國志山出兔豪為筆精妙唐史至德二載

江寧郡宋史建炎三年建康府皆貢筆時深水隸二郡製筆之說所由來也

東廬山以形名東二十里相傳嚴子陵曾結廬于此有

水源三一入秦淮一入馬沉港一入丹陽湖隋史設縣只名

廬山山謙之丹陽記云縣東有廬山故又名東廬山邑人袁良有詩

官山東二十五里一名官塘山有大塘築堰以資灌溉分界山詳見溧陽

馬鞍山東南十二里一名溧陽山

舊有石城書院冷水亭今廢

石城山東南二十五里

回峯山東南四十里渟淶一泓曰龍池濡縷一流曰龍泉東有水注平陸

仙杏山東南四十三里一統志云嶺有杏林又有三仙

壇及丹井清泉流入丹陽湖又名仙壇山

芝山東南七十里此山跨溧陽溧水二邑境詳載溧陽志

荆塘山南十里

匱船山南十二里一名感泉山陰有青絲洞泉脈澄泓四時不竭有張沈二士讀書堂不知其人井曰尚存

匱音感船泉又同韻匱船無字義似即感泉之誤也

杜城山南十二里隋大業間杜伏威屯兵於此築石城故名有戰場近有僧結廬其巔名巢雲庵泉木幽勝

無想山南十五里

上有南唐韓熙載讀書堂古檜古銀杏皆唐宋間植有元謝瑛招雲亭碑

記山頂有泉下注成瀑布

澳洞山西南二十五里上有龍潭

石羊山西南三十七里舊志云金華山

即黃初平起石羊處有牧羊仙洞

銅山西南四十里昔產銅

縣志不載

李墅山東三十里浮山三十七里烏龍山二十五里落

步山二十五里

東山東南二十三里清洪山二十五里

形家言此

為縣治來脈不宜斬鑿請示嚴禁

馬占山東南三十五里赭山五十里東破山五十五里

縣志又有靈嶽山方山荆山雲鶴山大山俱在六七十里外據縣疆東南至溧陽分界山五十里則諸山不得書又高淳志亦有荆山大山俱在疆域外似與縣分隸然志云在東南何也

土山南五十里紫雲山六十里東壘山

邑志壘作疊

六十五

里玉泉山一百一十里

丁公山西十二里

山頂石有宋潘并刻乙亥三年潘并過此竹巖看山望馬十六字

琛山十五里稟丘山三十里左仙山四十里

琛山產玉稟丘山上

有泉及唐太和古寺石龕方丈尚存

岐山西北十五里靈龜山二十里林志二山不載梅山上義山

四十里

爰景山烏山北二十五里雞籠山麻山三十里

為山東南二十五里巔有育德泉淙淙一窟味甚甘冽

中有蜥蜴歲旱取水祈雨輒沛下建龍霖庵山影倒潭兩翼飛舞狀如青鸞

臘山西南六十里跨石臼湖東接鳳棲西朝雀壘一望烟波

萬頃西北諸峯皆成遠黛可並芝山諸洞稱溧水兩勝

鳳棲山西南七十里昔有鳳止山巔故名雀壘山西二十里

遊子山南六十里舊志云孔子適楚曾經此山故名

山有石壇海內山名茶望甚多皆以始皇曾登故

段家山南六十里上有仙壇名石南社

小茅山西南三里一名玦山瑤山一名竹山

電山東十五里南頂有天池四面天然石嵌

荆山東二十里東南亦有荆山

觀山東南五十里山形陡峻有石屋可容數十人有泉

不竭

西山南三十里平安山半山南十二里箬帽山大山東

南四十五里

圓山北一十里白石山北二十里卧龍山二十三里錢

山南山烏山北二十五里雞籠山秀山六姑山北三

十里赤龍山三十五里

乳山西三十里巖石巉削山下有玉乳泉淳注澄澈味極佳處士林古度曾隱居於此

大人山夾山北三十里軍山塔子山馬頭山望湖山俱石臼湖中嶢山北二十五里陡峻因名

華山塔山西十五里石山冶山麗山西三十里

橫山西三十里高百丈周百里跨上元界葛山西北二十五里白蓮山茅蓮山西三十里唐家山三十五里

以上深水

鎮山東北一里縣原為高淳鎮因以名山從石臼湖迤邐而來濱於固城今縣治在下

學山東一里儒學在山麓

馬鞍山東二十里鳳棲山二十五里縣志鳳凰山橫山三十

里大游山三十七里南有石牛古蹟

遊子山東三十五里一名小游山即溧水游子山中有介子推墓遮軍

山五十里城門山五十里大山六十里有水入固城

湖經五堰東入溧陽三塔港

荆山六十里舊志云即卞和獲玉處界溧水即溧水志荆山朱之蕃有碑記

秀山東南三十里舊名秀山舊志云有仙過此以鞭畫路形如之字今見存

禪林山南二十五里

木城山東六十里突起平地甚奇峻昔紅巾之亂民樹柵其上守之故名

花山東南四十里高山諸山上產白牡丹舊有看花臺

饒山東六十里山勢聳秀下有天泉秀水也天旱遠近皆取汲於此

象山東五十里

明崇禎九年三月風雨起一龍土裂路分首尾鬚爪遺跡成範有醫士汪姓

以上高淳

鳳凰山在縣治後一名曠口山

陸家山西一里

歲旱則禱雨其上

馬鞍山山西十里

端凝秀峙若屏

福龍山北十二里孤峯插漢群嶂連雲大江帶前其巔前有獅山象山

繞後中饒巖洞為江北大觀

萬曆間建真武行於其巔前有獅山象山

華皂蠹七星巖香爐峯諸勝兩淵夾天門有杏花郵桃源洞東有靈泉邑學博陳廷策有記

西華山西十五里蠹起平地

龍洞山西二十五里上有泉泉中有小青蛇稱為神龍

之種禱雨得立應見秦觀游湯泉記

天井山西三十里上石罅深不可測

蛾眉山山西三十里孟澤山五十里翠雲山一名北大山

陰陵山西四十五里

即項羽失道處

緒落山西南六十里四潰山七十里

項羽敗走至東城漢兵追之羽依山

為陣即此一
冬四馬山

東龍山西龍山南四十五里白子山南四十八里

定山東北二十里跨六合境即六合之六合山屬縣者

曰獅子峯西南麓有卓錫泉達摩宴坐石

山陰有平遠樓為浦

人李嗣明隱

珠泉

一泓寒玉藻荇如浮鏡中中吐珠

居耕讀處連貫而起拊掌則愈多一名喜客

志邑人定山先生莊景居此某建七亭於山皆賦有

詩六首湖西不曹溪約江北福舟未肯開多謝先

生真好夢果然此會不人間紫金丹好神仙過太極

九空日月還但得晦翁同老此定山須作武夷山蓬

萊人自到蓬萊此老真堪此地來眼底風光拈筆有

空中樓閣接天開敢拚千古留公醉却有雙泉是我

醉何處江門開老子題詩到此亦忘回萬事人閒

喚醒數椽我休休藤醉眠老石三千丈知在

來時便一學老眼不隨塵俗亂此心元共白雲閒石

逢古色看何厭水愛源頭坐不還只我相留貧草屋

洞雲溪月也三間杖屨頻過活水灣我山真果是何

山烟霞豈斷千巖路天地誰偷萬古閒明月高梧無

俗照桃花流水有仙寰時人識否公休問此樂予心

自孔顏萬里風光散遠林晚峯羸馬正千尋手中日

月九天地眼底風雲變古今幾筆畫工山水迹五經

尼父聖賢心可堪白首猶多病鳳鳥河圖感慨深又

陳獻章婁謙司馬聖皆有唱和詩曹學佺珠泉詩祇

金家山東二十里壁立數百尺望江南諸峯如畫

下有金賢

文漪樓湯賓尹題額有記

象山北五里獅子山北七里七乳山北十里

石洞山北十二里山頂有龍池南有香巖極幽勝

莊景詩

偶橫擔拄杖斜一頭山月一溪霞閒隨夢覺人間未醉天樵洞主家禪自西來多栢樹詩非叅透在梅花夜來堪笑廬陵米又向山翁酒伴誇

黃悅嶺北十五里

明初鑿通江淮東葛驛路為南北孔道

駱駝嶺東北二十五里

龍洞嶺西三十里

白簾嶺東華山北二十五里

以上江浦

六合山即江浦定山在縣南六十里有六峯拱合曰

山獅子石人雙雞芙蓉妙高高二百六十丈屹巒拱

合邑所由名也張和志云真州六峯元時縣屬真州

明初又割六合地置江浦故山南西屬江浦有達摩

崖宴坐石珠光峽卓錫泉厠跑泉一人泉白鼉泉珍

珠泉皆勝地晉置秦郡南朝王元初僭號齊伯生獲

璽宋崔臯擊敗金人皆於此山

靈巖山東十里高二百二十一丈郊湧叙巖峻常有靈

氣故名靈巖有偃月巖磨盤石

兩石相疊懸立欲落

龍王泉鹿

跑泉蔡老人洞白龍池瑪瑙礪

產五色文石有雲霞艸木人物鳥獸狀甚

至篆楷字畫工好天然一石享數金邑人以山為市
山靈乃自珍秘之近不易見知縣張啓宗建塔湯賓
尹孫國枝
各撰碑記

石帆山東南四十里轟起江中通體皆石若張帆然

舊志

云山北有出佛洞唐會昌中因汰浮屠教曾藏僧神
建肉身於此宋鮑照有石帆山銘孫國枝有石帆山
記

瓜步山東南二十里表裏江河為六合五十三道水重

鎮廬州滁陽水皆出山下宋鮑照稱其因迴為高

絕作雄

魏主燾侵宋鑿井與蟠道址尚存揚州志
瓜步城在儀真縣陳宣帝大建五年置

地利當水陸之衝當守也今但有巡檢司唐錫
瓜步寒

瓜步寒

冶山北五十里巒岈九十九峯峯迴障合聳青曳翠

六合天長江都三邑界相傳吳王濞鑄錢所故名上

有天井白龍池鐵牛洞通管泉

赤岸山一名紅山東三十五里

南兗州記赤岸山南臨
江中濤水自海入江衝

激六七百里至赤岸其勢始衰羅含詩赤岸若朝霞
郭璞江賦鼓洪濤於赤岸杜甫山水圖歌赤岸水與
銀河通王維送封太守詩忽解羊頭削聊馳熊首輻
揚舸發夏口按節向吳門帆映井陽郭楓攢赤岸邨
石城多候吏露冕一何尊皆指此孫沂如曰南兗州
記云海潮至赤岸始衰南徐州記云京江禹貢北江
也春秋朔望輒有大濤聲勢駭伏極為奇觀濤至江
北激赤岸猶為迅猛衰猛二說相反則真州東有三
赤岸也

方山東三十里

舊志云宇文周置方州隋合置方山府
皆于此山梁建寺其上曰興雲後更名

日梵天古樂府云聞歡遠
行去相送方山亭卽此

橫山東三十里拓跋魏置橫山縣宋建炎間劉綱常保

聚咸淳中施忠等立功俱在此
上有禪證寺梁天監
中建卽昭明太子讀

書堂

馬頭山東北三十五里
絕頂一石高丈餘鬼然矗起中
一穴方徑尺淳水清音不竭里

人懸絲籬石投
之莫量其淺深

唐公山北四十五里
一山突起作金星伏田五
里南起爲屏山而結縣治

牛頭山東北五十里蛾眉山東北四十里塢山唐貞觀

間勅改塢子山棧子山東北三十里桂子山四十里

吳沛山三十里尖山五十里黃董山三十五里西陽

山二十五里

東龍山西北四十五里
綿亘入
來安界烏石山
上有烏石寺寺
有古桂奇極

練山西北二十里

熨斗山西北四十里地龍山三十里盤石山四十五里

巴山西北四十五里
黃宏字巴山家此天啓間秋山庵
僧夢堂所奉地藏菩薩右跌下生

蓮花一莖凡四十餘瓣如栗玉色逾月
又生一枝孫國枝繪圖爲記以誌其事

桃葉山西北七十里
隋開皇間置六合鎮
於此山見嘉定志

盤城山西南四十里
傍有郭汾陽玉帶樓

平山西南六十里立江滄瀕瀕大觀也
祝世祿平山閣
詩一尊相向碧

山頭俯瞰長江萬里流城闕南標龍虎氣水雲中泛
杜蘅洲婆娑地盡三千界縹緲天垂十二樓飛鳥夕

陽低遠樹從人署我醉鄉侯天泌山人李維楨平山閣詩虛閣凌空控上游東南名勝望中收征帆遠影飛青雀坐釣閒情對白鷗十里深山猶負郭半江遺堞已為洲年華逝水滄桑變有酒那能解客愁公安袁宏道詩石路突寒松柔嵐被遠封白波千里船魏六朝鐘雲老蛟遷窟窟晴雨洗峯文心險烟水吞吐幾重重

宣化山西南六十里

嘉定志晉安帝隆安初置秦令於六合之宜化鎮六合之名始此

晉王山西南六十里沿江蜿蜒

隋煬帝嘗為晉王總兵伐陳兵出六合駐於此

故名今山造塔

馬鞍山北二十里以形名

屏山北三十五里盤旋若屏頂皆作阡陌多泉竇

中有寶勝

古刹銅佛皆唐像昔有盜銅佛以石擊佛使碎佛大呼如雷孫國被徵屏山新泉詩爾時得意事非用讀

牟尼峯南二十五里

達磨初祖折蘆渡江止長蘆寺佛齒貝葉經尚存前有鐵參沙神

牟尼峯菴乃寺之下院也

符融山東北三十五里嘉定志云秦符融嘗城此因名

蜀岡東北三十里南接儀真東連江都綿亘數十里一

名崑崙岡鮑照蕪城賦云軸以崑岡卽此蓋六合為

蜀岡之首而蕪城其尾也

唐右衛將軍陸孟俊自常州將兵萬餘趨秦州進攻

揚州屯兵蜀岡卽此



以六合



